

明
詩
紀
事

時至天啟祿人恣睢毒流海內國之元氣斲削無餘思宗適
乘其阨亦思救弊扶衰而性猜識闇罔別薰蕕雖以高陽之
偉略長洲之碩學不能久安於位而烏程宜興武陵之徒
居政地妬賢嫉能政亂俗偷天殃民怨秦之大盜起而乘之
海內鼎沸亦有智略之帥英毅之夫洞胸抉腹碎腦滅元而
莫之或救余錄啟禎之詩先忠節次遺逸一以伸正氣一以
黜忝竊而科目之士夫乃夷而後之其中未嘗無賢明之士
牛毛麟角節長棄短觀者自得之也論者謂明之亡由於黨
禍乃歸罪於東林復社之徒嘻何其僨也夫東漢之亡亡於
寺人之禍而黨錮乃興明之亡亦亡於閹人之孽而東林復
社乃顯陰陽戰而霆砰電流風水激而波涌濤飛邪正攻而

黨人義憤節立暨弘光偏安江左支持殘局而閩黨猶思翻局以底於亡繁霜板蕩之詩所以怨也在昔漁洋與竹垞論選明詩謂不宜略遠詳近以今日而溯朱明年將三百亦云遠矣余搜採明末諸家補詩綜之闕漏於斯集尤亟致意然未敢言備也宣統辛亥仲春黔靈山樵陳田

宣統辛亥貴陽
陳氏聽詩齋刊

明詩紀事辛籤目

卷一

陳子龍 三十八首

曹學佺 三十一首

卷二

孫承宗 十三首

孫傳庭 四首

高名衡 五首

張銓 一首

傅梅 二首

鹿善繼 三首

南居益 一首

尹伸 四首

傅宗龍 一首

畢拱辰 三首

蔡道憲 三首

宋玫 二首

盧安世 一首

朱萬年 一首

張秉文 一首

楚煙 二首

黎弘業 一首

馬如蛟 一首

周而濱 一首

馮一第 一首

盧象昇 一首

呂維祺 五首

謝璉 一首

李士標 二首

卷三

范景文 五首

倪元璐 二首

王家彥 一首

吳麟徵 一首

馬世奇 五首

凌義渠 四首

周鳳翔 一首

吳甘來 一首

許直 一首

申佳胤 一首

陳良謨 一首

汪偉 一首

金鉉 一首

劉理順 一首

卷四

劉宗周 三首

黃道周 十八首

卷五

徐石麟 十首

徐爾穀 一首

夏允彝 一首

夏完淳 十一首

睦明永 一首

睦本 一首

黃瀉耀 十九首

黃淵耀 二首

侯峒曾 二首

侯岐曾 一首

侯玄演 二首

王與肩 一首

王士和 一首

卷六

史可法 一首

左懋第 一首

袁繼咸 一首

邢彪佳 一首

黃端伯 四首

王若之 三首

徐汧 一首

楊廷麟 二首

萬元吉 二首

劉同升 三首

彭期生 一首

馬懋功 三首

吳應箕 十五首

金聲 一首

江天 一首

麻三衡 六首

沈壽堯 一首

楊文聰 十一首

孫臨 六首

錢棟 三首

魏耕 五首

錢梅 一首

楊廷樞 一首

卷六下

韓上桂 四首

林說 一首

文震亨 五首

張秉純 一首

許士楷 一首

李之椿 一首

項禹揆 一首

黃周星 四首

卷七

黎遂球 十二首

鄭露 十三首

陳子壯 十六首

陳邦彥 三首

梁朝鐘 三首

張家玉 一首

卷八

朱繼祚 一首

張國維 一首

張肯堂 一首

張煌言 五首

馮京第 一首

錢肅樂 一首

陳函輝 六首

詹兆恒 一首

吳鍾巒 一首

楊文瓚 一首

林尊賓 一首

林洵 一首

卷八下

吳易 五首

楊文薦 一首

萬發祥 一首

溫璜 一首

楊永言 一首

梁于淚 二首

李待問 一首

林岵 三首

石隆 一首

凌駟 一首

卷九

何騰蛟 一首

瞿式耜 一首

張同敞 一首

郭之奇 四首

范文光 一首

揭重熙 一首

李含乙 一首

梁若衡 一首

鄺鴻 一首

朱實蓮 一首

邱懋樸 一首

鄔昌期 一首

馬士升 一首

蔣勸善 一首

譚先哲 一首

尹思民 一首

唐誼 一首

謝如珂 一首

卷九下

王錫充 二首

徐孚遠 二首

路振飛 一首

堵胤錫 一首

章曠 三首

李長祥 一首

戴重 十首

錢邦芭 三首

卷十

邢昉 五十五首

錢澄之 二十首

吳嘉紀 三十六首

王翊 二十七首

卷十一

屈大均 四十首

陳恭尹 三十四首

陳子升 三十首

卷十二

彭孫貽 二十八首

馮班 五十五首

紀映鍾 二十四首

卷十三

顧炎武 十九首

王夫之 四十二首

陸世儀 十六首

陳瑚 九首

卷十四

陳忱 二十四首

傅占衡 二十九首

余懷 三十一首

費密 二十五首

卷十五

杜濬

十四首

董樵

十二首

陶澂

十九首

萬壽祺

二十二首

卷十五下

胡承諾

二十六首

卷十六

徐枋

六首

沈壽民

四首

巢鳴盛

一首

李世熊

十六首

方授

二首

王錫闡

一首

李成憲

一首

黃澂之

五首

李確

六首

李雲龍

八首

談邁 七首

文祖堯 一首

周岐 三首

魏禮 七首

林時益 二首

徐夜 十首

夏古丹 三首

蕭過庭 二首

張蓋 九首

韓閔 六首

周蓼邨 二首

彭士望 十一首

戴笠 二首

朱士稚 二首

卷十七

姜埏 二首

姜埏 三首

王嗣乾 一首

王嗣乾 一首

黎延祖 一首

黎彭祖 一首

張若化 一首

張若仲 一首

陳孝威 一首

陳孝逸 一首

戴本孝 四首

戴移孝 三首

方以智 十三首

方其義 三首

王光承 二首

王烈 一首

梁以枏 二首

梁以樟 九首

姜安節 二首

姜實節 四首

張可仕 一首

張可度 二首

嚴調御 二首

嚴武順 二首

嚴敕 五首

卷十八

黃學謙 五首

吳馴 一首

文震孟 一首

陳仁錫 一首

蔣德璟 二首

郭都賢 一首

文安之 一首

馮元颺 一首

蕭士瑋 五首

金肇元 一首

倪嘉慶 一首

黃宗昌 二首

喬可聘 一首

何萬化 一首

梁元柱 一首

姚孫渠 一首

齊心孝 一首

王鳴玉 一首

秦垌 五首

黃景昉 五首

何楷 一首

孫晉 一首

熊開元 一首

陸澄原 一首

郭紹儀 一首

陸錫明 一首

劉在朝 六首

黃文煥 一首

李模 一首

賀鼎 二首

區懷瑞 二首

黃光 一首

卷十九

呂大器 四首

高斗樞 二首

于穎 一首

周鑑 一首

龔士驥 八首

吳承燧 一首

曹荃 一首

林銘球 一首

謝宗 一首

姚思孝 一首

冒起宗 一首

李奇玉 一首

薛宗 十一首

陳天定 一首

李世奇 一首

許豸 一首

黎崇宣 一首

吳國琦 一首

楊士聰 一首

汪國士 一首

陶汝鼎 十首

張明弼 二首

卷二十

文德翼 二首

朱芾煌 五首

劉侗 一首

凌世韶 一首

張允掄 一首

關士琦 二首

潘世澄 一首

黃日乾 一首

余颺 十首

許承欽 一首

秦鏞 一首

莊元宸 一首

錢朝彥 一首

倪長圩 一首

康范生 一首

費經虞 一首

張琚 一首

羅策 一首

曾異撰 一首

卷二十一

湯來賀 一首

萬曰吉 六首

來集之 一首

單恂 二首

徐芳 三首

高承鈺 五首

吳中蕃 十二首

張璣 二首

郭萬完 一首

趙炳龍 一首

王倣通 一首

周嬰 一首

劉道開 三首

李國相 一首

姚宗典 一首

錢默 一首

宮偉鏐 一首

張若義 一首

包壯行 一首

祝之至 二首

李實 一首

吳驥 二首

周損 五首

米元佃 四首

蒙正發 一首

卷二十二

張溥 一首

張采 一首

楊彝 一首

顧夢麟 六首

朱隗 二首

顧杲 一首

陳宗之 十八首

葉襄 七首

張澤 一首

周立勲 三首

魏冲 一首

許元功 四首

潘一桂 二首

王潢 二首

梅朗中 五首

蔣臣 一首

趙相如 二首

許振光 一首

俞南史 二首

徐白 一首

方文 十首

吳德操 一首

葛芝 二首

趙司直 二首

賀裳 四首

賀燕徵 七首

劉城 十五首

沈自然 四首

卷二十三

聞啟祥 二首

朱一是 十七首

陸圻 四首

卓人月 二首

夏綰 七首

趙韓 一首

韓曾駒 四首

韓繹祖 六首

陳梁 一首

錢士馨 一首

李寅 二首

俞汝言 三首



祁鴻孫 一首

卷二十四

萬時華

十三首

馬猶龍

八首

徐世溥

十三首

余正垣

一首

王猷定

十首

李奇

一首

舒忠讜

一首

湯開先

二首

陳畫

一首

卷二十五

于奕正

五首

王袞

七首

嚴首昇

四首

莊祖誼

三首

趙士喆

十二首

伍瑞隆

二首

宋垣

一首

劉湘客

一首

卷二十六

吳惟英 二首

張怡 十首

劉文炤 二首

郝班孫 四首

劉孔和 九首

茅元儀 二首

常延齡 一首

胡長庚 一首

陳震 一首

余畚 六首

陳斌 一首

卷二十七

王時敏 二首

李肇亨 三首

金俊明 六首

陳洪綬 十三首

崔丹 二首

龔賢 六首

歸昌世 二首

歸莊 一首

顧樵 三首

徐繼恩 二首

文枏 一首

楊補 二首

周祚新 一首

呂潛 十首

張輒 四首

周容 一首

項聖謨 一首

蕭雲從 一首

金遠 一首

卷二十七下

許友 六首

魯得之 一首

徐柏齡 一首

朱耷 一首

汪珂玉 二首

張穆 一首

來蕃 三首

卷二十八

張綱孫

十三首

沈謙

十三首

柴紹炳

四首

孫治

二首

朱鶴齡

四首

顧夢游

五首

董說

十三首

魏學伊

四首

湯傳楹

四首

繆永謀

十二首

胡山

十一首

韓洽

十首

吳騏

十首

毛晉

二首

曾燦

十一首

胡介

七首

邱世望

十首

蔣之綦

六首

韓純玉

三首

周簣

九首

魏允枏

三首

安丹生

四首

徐開任

三首

張彥之

二首

吳懋謙

十三首

徐崧

五首

李煒

六首

錢光紉

二首

錢謙貞

五首

東蔭商

二首

姜廷梧

二首

陸繁弼

二首

王啟茂

四首

鄭階

四首

陸嘉淑

二首

陳祚明

三首

黎祖功

二首

卷二十九

王屋

一首

顧文

一首

陳衍 二首

王履和 二首

麻三雍 一首

吳一元 一首

何絳 三首

梁槌 一首

岑徵 二首

易訓 一首

英上 一首

梁可淵 一首

庾樓 一首

趙煊夫 二首

梁觀 一首

淩彖 八首

楊時邈 二首

淩潞庚 四首

陳宏裔 七首

季良眉 一首

楊蘧 一首

孫模 二首

卷三十

李標 一首

葉珍 一首

孫纘祖 二首

蔣國榮 一首

蔣平階 一首

計孺 一首

黃輔 一首

叢一蘭 一首

范廷瓚 一首

馬鑾 二首

吳道約 一首

楊焯 二首

黃世康 一首

周蓋卿 一首

林璟 一首

方沂 一首

王之梁 一首

覃猷錄 一首

鄧右符 一首

黃文星 一首

璩一麟 二首

盧傳來 一首

李振聲 一首

戴于庭 一首

駱雲程 二首

張玉成 一首

朱文心 一首

吳爲霖 一首

卷三十一

潘陸 二首

湯燕生 三首

范路 七首

湯濩 二首

陳確 一首

吳時德 三首

張光啟 一首

張致中 一首

陸啟浚 一首

張杉 二首

史玄 六首

趙渙 一首

顧有孝 一首

周安 一首

辛鑑目

古

雷士俊 四首

李沂 四首

王廷璧 一首

談允謙 四首

蔣人 一首

王巖 二首

孫爽 一首

蔡仲光 三首

錢肅潤 四首

丁之賢 三首

朱國漢 七首

徐晟 二首

陳三島 二首

盛斯唐 二首

譚雅 一首

方祖兆 一首

王萬祺 一首

楊炤 一首

車以遵 一首

蔣之翹 三首

路澤農 一首

程奎 一首

屠爕一首

李麟友一首

李生乾一首

楊連吉一首

徐篤一首

葉有馨一首

何蔚文一首

徐濟忠一首

何大成一首

邵濂二首

陸來三首

卷三十二

華淑二首

陳鴻五首

王彥泓二首

張維二首

何述舉一首

錢孫艾一首

徐錫祚二首

秦徵蘭十二首

林雲鳳 二首

王邦畿 三首

薛始亨 二首

吳淹 一首

吳濡 三首

劉元祥 一首

劉永滋 一首

楊誌 一首

王璫 一首

周書 一首

楊靜 一首

程梧 一首

程廷樵 一首

程九皋 一首

錢秉鐸 一首

齊程 一首

方穀 一首

卷三十三

吳用鈐 一首

彭堯諭 一首

鄧祥麟 一首

陳濟生 一首

劉昌運 一首

黃翼聖 四首

閃知愿 一首

談亮 一首

陳啟相 一首

卷三十四

傅爾元 一首

王承之 五首

侯涵 二首

顧在觀 一首

蔣易 二首

沈祖孝 二首

石可璽 七首

閔鼎 一首

沈叔竑 一首

李景福 一首

徐象婁 一首

邵似歐 二首

顧超
入首

潘問奇
五首

李潛
一首

張養重
二首

魏應星
一首

韋人鳳
一首

李瀚
二首

王貴
二首

苗君稷
一首

程岫
一首

明詩紀事

貴陽陳田輯

辛籤

陳子龍

三十八首

子龍字人中一字卧子青浦人崇禎丁丑進士除惠州推官改紹興遷南吏部主事擢兵科給事中福王時起原官魯王立授兵部侍郎兼侍讀學士事敗被獲投水死乾隆中賜諡忠裕有幾社稿陳李倡和集屬玉堂集平露堂集白雲草湘真閣稿三子詩稿焚餘草

吳偉業梅村詩話卧子負曠世逸才年二十與臨川艾千子論文不合面斥之其四六跨徐庾論策視二

蘇詩特高華雄渾睨一世好推崇右丞後又模擬
太白而少陵則微有異同要亦岷強語非由中也初
與夏考功瑗公周文舉勸由徐孝廉聞公同起而李
舒章特以詩故雁行號陳李詩繼得轅文又號三子
詩然皆不及當是時幾社名聞天下卧子奕奕眼光
意氣籠罩干人見者莫不辟易登臨贈答淋漓慷慨
雖百世後猶想見其人也嘗與余宿京邸夜半謂余
曰卿詩絕佳何首為第一余卧子曰苑內起山名萬
閣中戲號千秋此余中聯得意語也祠官流涕落
風路回首長陵出塞年又李氏功名猶帶彌斷垣落
日海雲黃此余結法可誦者也余贊歎久之晚報與
夏考功相期死國事考功先赴水死卧子為書報考
功於地下誓必相從文絕可觀而李舒章仕而北歸
讀卧子王明君篇曰明妃可憐自請行一代紅顏一
擲輕則感流涕舒章久次諸生不遇離世故邇
勉一官反葬請急遇卧子於九峯山中期滿北發未
渡江而卧子及禍舒章擲鬱道死雲間有為詩唁之
者曰蘇李交情在五言未嘗不寄慨於此兩人也
陳李倡和集夏允彝云陳子之詩潛動溢麗發言舒
逸明華掩寫雄
質徐孚遠云卧子其源出於太白文多超逸之風若
霞宋存楠云卧子其源出於太白文多超逸之風若

其涼壯明秀則龍標右丞之流亞也
明三十家詩選李雯曰卧子論詩以爲詩貴沈壯又
須神明能沈壯而無神明者如大將統軍刁斗精殿
及其鼓角既動戰如風雨而無旌旆悠揚之色有神
明而不沈壯者如典午名士握麈談道望若神仙而
不可以涉山川冒險難此英雄之分以梁府古詩論
之曹孟德雄而不英曹子恒英而不雄而子建獨兼
之以唐詩論之高遠夫雄而不英李東川英而不雄
王右丞則英中之才縱橫開出凡此諸家命意獨合而
兼之此卧子之宗尚也
獨於二子深有宗尚也
分甘餘話明末暨國初行約有三派虞山源於杜
陵時與蘇近大樽源於東川參以大復婁江源於元
白工麗時或過之
源洋詩話明末七言律詩有兩派一爲陳大樽一爲
程松圓大樽遠宗李東川王右丞近學大復松圓學
劉文房韓君平又時染指陸務觀此其大器也大
樽警句如左徒舊宅猶蘭圃中散荒園向竹林九龍
移帳春無草萬馬窺邊夜有霜九月星河人出塞一
城礎杵客登樓禹陵風雨思王會越國山川出新才
石顯上賓居柳市賢嬰別業在南田四塞山河歸漢
關二陵風雨送秦師皆不愧古作者

靜志居詩話王李教袁公安之派漫廣竟陵之韻
與一言時好異者諺張為幻關中文太青倡堅偽離奇
傲之言致刪改三百篇之章句山陰王季重寄龍溪笑
藥又交起捕賊日輪就吸鵬子鵠母四野飛歸于
張以太陰之弓射以枉矢腰鼓百面破盡蒼蠅蟋蟀
龍性堂詩話論明人詩正大和平折衷風雅無如陳
卧子先生觀其答胡學博書畧云萬厯之季士大夫
偷安逸樂百事墮壞而文人墨客所為詩歌非祖述
長慶以煨樞鼎之談為清真則學步香齋以殘膏
膩粉之資為芳澤是舉天下之人非迂朴如老儒則
嫵媚若婦人也鍾譚兩君者少知婦人除極意空淡似
乎前二者之失可少矣然舉古人所為溫厚之旨
高亮之格虛沈實之分珠聯璧合之體感時託興
之心援古證今之法皆棄不道而又高自標置以致
海內不學之小生遊聞之緇素侈然皆自以為能詩
何則彼所為詩既無本詞又鮮據侈然皆自以為能詩
居縉紳之位而為鄉鄰之音立昌盛之朝而作衰頹
之語此洪範所謂不從而可為世運大憂者也
卧子當敢禎之時詩道陵夷已極故推明正始特表
何李王李諸君為昭代眉目至其論古詩則議于鮮

之專擬漢魏為規模不廣及自運亦時倣溫李極藻麗之致時際滄桑所著感事秋懷諸什悲歌激烈可泣鬼神使不遂志早歿文章能事起衰入代非公而誰

說詩晬語詩至鍾譚諸人衰極矣陳大樽墜闕榛蕪上窺正始可云批把晚翠

田按忠裕雖續何李李王之緒自為一格有齊梁之麗藻兼盛唐之格調早歲少過浮豔中年骨幹老成殿殘明一代詩當首屈一指

善哉行

登彼修陵有枌有檀言藉豐草思來無端解一杳杳者夜爨爨

者邱睠彼常道能無懷憂解二獸求其羣鳥鳴其私各懷所歡

我將告誰解三壯士茫茫心煩意馳伊誰云憎日月無期解四湛

湛江水或淺或深君子任時或陽或陰解五夕飲醇酒朝撫鳴

琴古人不知憂勞至今解六

長干曲

清淺在橫塘相逢素舸郎東風何太急吹汝上尋陽

石城樂

流鈴籠子幡吹過石城下疑是歡相迎風帆如駛馬

莫愁樂

打槳尋莫愁莫愁不還家當門搖綠水豔豔芙蓉花

三洲歌

相送巴陵口含淚上行舟不知三江水何事亦分流

韓原泣

蔡兒歌楚兒舞高冠廣額咸陽賈排玉闥登金堂九卿厠足
趨道旁解一朝入左掖門暮出左掖門堂前眾賓客一一乘朱

軒十日一休沐香藥雜上樽麒麟上君衣褒貶佐君殮

二解得

君歡可君意自謂百年長不棄恩去何時回情斷何由繫昔

如石在山今如水在地

三解

上君綬爲布衣怒未止揭而歸西

市街鼓薩薩衛軍簇簇呼擺圓君家舍人先橫屍

四解

黃紙下

門已鎖金吾將軍夜列火緋衣御史來上坐出詔書一尺組

莫躊躇城頭過鼓三更餘使者復上青驪駒何以載君廐柳

車

五解

田宅盡沒官不得名一錢堂前眾賓客一一歸窮邊先

爲人所畏後爲人所憐

六解

田按此詩爲薛國觀作也其體仿弇州新樂府才力畧不相下

雜詩二首

勁翮有遐舉直木無繁枝邁往絕凡迹端正嘗違時世人重

容悅滑稽誰能期疾風歎振落橫流悲殆而既丁陰雨會曷
望康衢馳履榮豈永存執義恆在茲炯炯烈士心寒暑安可
移

逐時多近娛邁古懷長憂高節勵貞亮芬芳耀千秋日月逝
逾疾我生獨何求烜赫邀世榮傾側遞相仇葳蕤丹山鳳道
遙凌九州一鳴簫韶奏再鳴商爲周顯晦隨景運難與燕雀
謀曠哉唐虞際念此心悠悠

初入剡中

夙昔耽奇異久負名山期詎意肅于役心賞獲在茲高峯疊
遙巘曲徑沿迴溪沈沈迷積翠靄靄含清暉洩雲岫時沒急
雨瀨屢移青蘿被修坂絳樹灼陰崖迴互見別趣登降各異

參碩人昔考卜荒途恆若斯心迹既杳冥衡宇亦參差抗懷
慚末代尙志微前規終焉協要妙遲暮良可悲

陟桐巖嶺

耽憂自忘倦遇險若貽安尋源無盡澗躋峻轉餘巒千盤上
風磴百折啟雲關丹楓媚綺麗碧嶂竦巖岏含霧林樾潤翳
日藤蘿寒迴視萬壑底更見羣峯攢升喬意凌越憑虛神汗
漫術阡布霞路閭井出人間懷靈豈存境觀道託殊觀獨立
招予美瘳矣摧令顏

題楊龍友倣襄陽雲山卷歌

巨靈驅卻剡中山移將煙靄留人寰滿堂雲氣動虛壁流湍
隱見聲潺湲昨夜有人山中還拂筇便欲相追攀但見千山

萬山溼不盡杳冥迷離白日閒龍眠山人腕欲脫襄陽漫士
天機活神姿出塵自瀟灑筆底空濛見雄闊自稱氣韻跨千
古俗格詎使荆關奪泗水沈淪五百秋雲山滿眼無人收楊
郎盤礴神遠遊歆袖揮灑天爲愁森然欲呼鬼神出玄猿青
兕中淹留米家橫挂殊矜惜新展吳綾百餘尺米畫不過三尺今改長圖
陰洞虛無松檜長深巖窮窅龍蛇坼茅屋高寒少行跡出門
浩浩雲濤積中有人兮歌白石此處雲林安在哉年年絹素
生蒼苔天姥峯頭丹欲就若耶溪邊花正開珊瑚爲杖玉爲
履攜手與君歸去來

平陵東

炎精中燼妖豎紅平陵松柏生秋風四十萬人頌符命巨君

卻在層城宮東郡太守建旗鼓排山動地連關輔五威國將
紛東馳大誥金膝亦何補滂宮薦棘雖無成天下始知稱漢
兵不逢時會豈失策猶與宛雒開先聲斗柄橫斜漸蠶蹙白
水真人坐黃屋逢萌束帛卓茂封義公碧血無人哭男兒何
必上雲臺千古徒悲兩黃鵠

怨詩行

九江倒影揚素波洞庭微風鳴白鼉文狸赤鯉迎湘娥翠竹
泠泠蒙女蘿重華一去不復還愁雲萬古蒼梧山五臣八凱
竟誰在空令帝子凋朱顏凋朱顏墮淥水不見軒轅神鼎成
黃金如山映天紫日月光華聞闔闔飛龍半負嬋娟子玉笛
杳渺流雕雲升天入地皆隨君小臣徒望青冥哭天路茫茫

竟不聞

東皋草堂歌

有序

東皋草堂者給諫瞿稼軒先生別墅也丙子冬奸民
奉權貴意許錢少宗伯及先生下獄賴上明聖越數
月而事得大白我友吳駿公太史作東皋草堂歌以
記之時予方廬居駿公以前歌見寄因爲屬和辭雖
不工而悲喜之情均矣

虞山巖水飛不息虞山先生高卧日黃門從此亦拂衣東皋
平田二頃微翳然林木草堂靜單衣白幘娛金徽高談王霸
神清竦江風獵獵水雲動當時有口每借人公業傾家非自
奉應是清流同調多豈關失職交相重江湖何與中書堂當

門厭雨多芬芳田蚡久欲更延辨朱竝居然來上章十年放
逐念京雒可憐入國雙銀鑄豈惟松桂無顏色長安城中煙
霧塞金吾更向閤門歸告密人從丞相揖但令深文一獄成
何難鉤黨千家及君王神聖揮太阿此曹深計空蹉跎左掖
門邊十步地那知一往如流波舊疾雖痊留不得七月秋風
下潞河道旁小兒戟手罵掩耳莫聽吳人歌大街陳屍誰氏
子相公殺爾可奈何嗚呼男兒全身良不易自稱騎虎終難
事可憐數載黃扉人未識千秋青史字何如草堂突兀山之
陽七檜偃蹇雲蒼茫飛觴樂聖凌滄浪吾聞檻車開一匡胥
靡霖雨興殷商生平報國殊未央草堂何得常徜徉

月夜獨坐

攬衣隨杳冥雲霧共清深
明月常相見幽人愁至今
梧桐搖暮景蟋蟀斷秋心
屢夢姬娥冷天高何處尋

燕中諸詩錄一

玉泉流不極野老說宣宗
看象臺邊卧牽牛水上逢
屬車驚雁鶩御幄冷芙蓉
欲望景陵樹雲山暝萬重

秋歸涉黃河

秋水下龍門黃河九曲渾
西來浮日月南徙劃乾坤
羣燕盤渦掠千帆折溜奔
茫然思禹迹何處是崑崙

寄青田令楊龍友

小郡分千嶂卑官共一州
秋雲通畫幔春水過蘭舟
游女湖爲鏡仙人石作樓
羨君郎宿位乃傍少微留

處州上應處
士星故號

壬午除夕

二首

輝輝芳景逼冉冉壯心懸日月商歌裏山川越望前春風經
晚歲朔氣動經年愁絕蓬萊殿傳烽夜未眠

滿目愁無賴偏生此夕中亂燈懸夜雨急管候春風國事幾
投袂鄉心任轉蓬明當就詹尹何計學冥鴻

避地示勝時

故物經時盡殊方逐態新恨無干日酒眞負百年身芝草終
榮漢桃花解避秦寥寥湖海外天地一遺民

上元

雕雲遙映火城姿窈窕湘簾萬戶垂玉樹吐花千箇舊虹橋
結綵九長離遺香宛轉吳歌細墜珥玲瓏羯鼓遲最憶燕臺

繁麗地內家裝束畫樓時

春感

春來花信杳難憑風雨高歌酒不勝消息龍鸞仙事遠飄零
鴈犬少年憎文章綺豔羞江左蹤迹淹留似茂陵終日掩書
廣武歎雄心深夜有飛騰

潤州

縹緲樓臺柳尚濃女兒江上障輕容嚴城晴帶三秋雁孤嶼
寒吟五夜龍若見餘霞憊謝眺正當初月想王恭揚州十二
珠簾捲隔得煙波第幾重

望射陽湖志云陳琳墓在其側

古墓依稀見寂寥平湖十里怨迢迢是時才士多書佐此後

文人屬縉朝水冷漳臺餘繡瓦草荒淮浦對寒潮于桓便有
當年痛魂共應劉未可招

至後

至後玄風朔氣凝天街繞繞意誰憑東來戍火連三輔北望
寒雲滿十陵倦擲黃金隨駿馬時聞綠幘縱蒼鷹夜深不信
悲歌俗惟有嚴霜動玉繩

長安雜詩

瓊壺薇帳侍宸遊十部謳茲在殿頭禁苑起山名萬歲複宮
新戲號千秋明駟宣賜朝陽閣紫燕傳封井幹樓上壽後庭
齊致語增成箋奏是誰收

八月大風雨中遊泃埕連夕同遊者宋子建尙木陸子

玄張子慧

獨上層霄極紫庭空濛天外出雲屏一羣秋雁幾時盡數點
海山何處青珠樹有風通弱水芙蓉細雨失湘靈虛疑芳草
人無限夜半揚舫問杳冥

燕中秋感

紫塞遙遙鎖八陁薊門天險負滄溟山河中竦開黃屋日月
虛迴挂翠屏三輔金戈秋簇簇五陵銀海夜冥冥本朝尙德
興王業指點無勞論地形

遼事雜詩

昔年遊俠滿遼陽吹角鳴鞭七寶裝帳下紫貂多上客樓前
白馬度名倡椎牛屬國開新市射虎將軍獵大荒李氏家聲

猶帶礪斷垣落日海雲黃

重遊弇園

放艇春寒島嶼深弇山花木正蕭森左徒舊宅猶蘭圃中散
荒園尙竹林十二敦槃誰狎主三千賓客半知音風流搖落
無人繼獨立蒼茫異代心

錢塘東望有感

清溪東下大江迴立馬層崖極望哀曉日四明霞氣重春潮
三浙浪雲開禹陵風雨思王會越國山川出霸才依舊謝公
攜伎處紅泉碧樹待人來

庚辰除夕大雪時在越署

積雪層陰禹甸中蒼茫雲海度飛鴻上才授簡思梁苑侍女

藏鉤憶漢宮地遠金門慚月俸年過騎省畏春風西清玉樹
垂垂發滿眼瓊瑤路不通

天台萬年寺

迴合千峯嘉樹林蒼崖碧殿晝陰陰雲生薜荔虛殿動日隱
松杉絕澗深僧賜紫衣壇卓錫經傳白馬字面金更從開道
凌飛磴悵望諸天清磬音

秋日雜感二首

金闕珠樓瑞靄中天門端拱萬方同鳳城南鎖黃河隘鳥道
西迴紫塞通三市銅駝愁夜月五陵石馬慟秋風玉泉不識
朝宗意依舊東流入漢宮

雙闕三山六代看龍蟠虎踞舊長安江陵文武牙籤盡建業

風流玉樹殘青蓋血飛天日暗黃旗氣掩斗牛寒翩翩入雒
羣公在剩有孤臣淚未乾

采蓮女

明知女伴情欲問誰能說對采芙蓉花相看各愁絕

上谷邊詞

期門小隊出回中帥府旌旗動地紅武帝神遊應汗漫黃榆
夜夜起秋風

曹學佺

三十二首

學佺字能始侯官人萬曆乙未進士除戶部主事調
南大理寺正就遷戶部郎中出爲四川參政進按察
使中察典議調歸起廣西參議遷陝西副使留任桂

平道以私撰野史削籍崇禎初復官不赴唐王立授
太常卿遷禮部侍郎進尙書加太子太保事敗走入
山中投繯死乾隆中賜諡忠節有金陵集挂劍篇
海色篇遊房山稿藤山看梅詩續遊藤山詩玉華篇
茗上篇錢塘看春詩遊太湖詩芝社集天柱篇春別
篇豫章稿江上篇潞河集武林草巴草蜀草雪桂軒
草湘西紀行浮山堂稿福廬遊稿聽泉閣稿夜光堂
稿森軒詩林亭軒詩桂林集更生篇賜環篇西峯集
西峯六四草等集

鍾惺隱秀軒集能始清深之才惜近日詩有淺率之

弊葉向高蒼霞草大理詩刻意三百篇取材漢魏下乃
及王右丞韋蘇州

筆精閩中近製墨紗燈精巧異常海內爭重之曹能
始會於杭州達元夕人家有張此燈者乃邀友人同
詠能始詩云質裂橫疑水光生薄似苔憑將彩筆畫
認作剪刀裁鳥向空中度花從鏡裏開細看若無力
不畏曉風吹諸子罷唱
列朝詩集萬歷中年閩人曹能始迴翔棟宇遊宴治
城賓朋過從名勝延眺種則臧晉叔為月布衣
則吳非熊吳允兆柳陳父盛太古為領袖墨懷古
爰為憑弔之篇新亭送客亦有傷離之作鍾墨橫飛
篇帙騰湧此金陵之極盛也戊子中秋子以銀鐙陳
日采詩舊京得金陵社集一編蓋曹氏門客所撰集
也
閩小紀謝在杭云曹能始詩以淺淡情至為工不甚
學盛唐然其送西安太守云長安西望路漫漫秦華
翠陰日色寒長樂宮中秦鐘絕未央前殿漢鐘殘月
明渭水浮三輔花滿驛山繡七盤京兆風流誰不羨
時從閨閣畫眉看大慙以來罕見斯語予謂此詩尚
非石倉極境在杭學七子者故獨醉心於此耳
池北偶談能始官四川參政與監司謁撫按必於館
中別設一几隸人置書几上對眾一揖即就几披閱
不交一言其孤亢如此
古夫于亭雜錄陳大樽明詩選於萬歷以下加湯養

仍曹能始不愧作者概置之郛下無譏之列此則大

誤龍性堂詩話曹能始先生云作詩如書者書者奕者

謳者擊劍者必藉師承指教而後當家若自作聰明

雖極奇別終是外道旨哉言乎

貴人贈詩閩中曹能始題一絕云性內本無文字障

縱耿山水亦支離我會一宿鵝湖寺峯頂禪師不要

詩東南嶠外詩話忠節五七律佳句美不勝收如過木

浪云夕陽湖正滿春草岸俱遙遊楊氏園云積翠沈

波底斜陽到岸西泊大洲云遠峯銜月淺隔水度螢

孤別喻宜仲云明月看時別清霜夢後知集南樓云

秋老幾人猶白社月明無主自青山別吳子修云回

首故山俱惜別出門新月便相思上已城樓即事云

三月風光臨上巳兩條消息隔中華昔常時贈家人

口者明三十家詩選忠節詩秀骨清聲霞標玉映其辭麗

以則其思深以遠才氣少讓陳忠裕而溫婉過之

田按忠節詩不矜才氣音在絃外其興到之作有羚羊

挂角香象渡河之妙

登石竺山

息徒改俗轍尋仙
騁雲轂谿路綿以紆
山形拔而臨入初狀
倏呈披輿境徐蓄千
岩若層累萬樹信攢
獨敷帷固甚密爲
宇何其複卽此乘虹
飛因之頰鯉伏朱鳥
現毛質玄猿衍類
族託命於仙靈詎爲
人所畜我來一叩之
入門展欽肅耳目
懾靈異烏敢恣云欲

游匡廬詩

嘗聞歸宗寺舊宅爲
叢之往往嘉樹陰亦
能得清池古人雖
已沒佳韻良在茲繼
此代不乏始知靡因
資巍巍金輪臺下
映石鏡溪湖水入我
懷盈盈曲如規

西山紀遊

山遊已足佳況以湖爲逕復聞燕昭池懷古動清興潭泊非
一源中流滙諸勝大隄修且治方軌路猶剩士女同時遊締
綵亦相稱顧彼芙蓉花采采誰爲贈祇恐易凋落秋期不堪
訂眷子留戀懷遲遲此川隕

丹榴行

有序

貴溪被難時榴樹忽僵復得仍活則榮瘁關之矣故
作

君不見信州丞相第十二高樓稱綺麗雕甍共倚黃金堂繡
柱遙連白玉砌瓊恩寶澤錫嘉名簪藻宸題照日明方圓法
式頒儀部多少金錢給水衡複道文窗開扇扇極目欲窮西
楚甸靈山黛色稠疊來彭蠡湖光微渺見山川如故人事非

聖主元施不測威
胥江已見浮鷗去
華表空聞化鶴歸
魂招歸來上不得
寂寂高樓徒歎息
火燒崇塘落劫灰
塵飛綺棟無顏色
可憐歿後見精忠
青史相傳貫白虹
欲知血淚何時滅
秋老榴花開尙紅

黃龍洞看太湖歌

君不見黃龍洞其深下無極
視之但似蒼蒼色
令人憂疑直相逼
既有異香縹緲從風吹
又何以白骨倒挂枯樹枝
我聞老龍在此藏其軀
至今千年知有無
其靈既能興雲雨
礫犬祀之無乃誣龍乎
好睡亦太嬾
我欲擲石破汝眼
爾胡不翻大海波
亦不潛深山裏
在此區區一勺之湖水
湖光雖有千里
吾爲爾謀應未已
但見日自西沒風從東來
舉酒酹水

飲我一杯遠者七十二峯以羅列其近大雷而小雷有如雲
屏錦障蕩漾於水晶之宮盈盈進我雙金轡具區形勝盡於
此吳王霸圖安在哉但聞別館離宮滅不見牙繡錦席開湖
水暮兮悠悠蒼煙橫兮上浮羣峯杳兮乍收客亦去兮不可
以留我更呼龍夢中爲我語使我空山一夜愁風雨

田按忠節此詩騷情古意合太白東坡爲一手選家
從未見錄余讀石倉全集獲此一奇爲之一快

西溪看梅短歌

春雲忽渡西溪水溪畔梅花從此始殘僧寂寂時掩扉微滅
禪燈山雨裏山雨透迤沈暮鐘梅林此去幾千重渡頭客問
餘杭酒衣上雲來天目峯數年夢想遊天目誰云路接梅花
屋今宵鶯嶺無他夢祇向龍池看飛瀑

雞鳴寺

雞籠山色翠遙接落星岡
校獵臺成阜栖玄寺近塘
園林生蔓草陵寢閉殘陽
幾代高僧住猶存說法堂

盧龍觀

丹梯登涉處高興在秋宵
月下盧龍塞河邊靈鵲橋
遂聲江步遠劍氣冶城銷
王謝留遺迹風流亦可招

秦淮秋怨

四序皆蓄意秋來殊可憐
疏籬豆花雨遠水荻蘆煙
忽弄月中蓬欲開江上船
不知夫婿去仍會在何年

池北偶談徐禎卿洞庭葉未下蕭湘秋欲生一篇非太白不能作千古絕調也曹學佺亦有秦淮一篇情致殆不減徐

晚發崑崙溪次日登烏嶠山成宿

野酌戒揚舲溪昏去復停淺沙催月白密樹誤峯青鐘出城
中寺燈懸畫裏屏時聞清鎖發風急水泠泠

圓證寺

我聞圓證寺卽在碧崑隈積雪一峯阻看雲十里來僧厨流
水曲香氣講經臺最喜茲幽徑松陰寂不開

絕塵菴

僧演中人

一瓢營此地萬里住孤僧花竹疏如許峯巒險最能月來動
清磬雨過閉殘燈試向禪心說誰當比上乘

與飛熊方叔茂之再到楊園

野人來不速地主展相酬春餘幾許色日須百過遊石移喧

水閣林缺做山樓若使王程緩山中定可留

過胡彭舉賦答

昔時惟視友今日乍過君野色貧家積山情隱士分之言浚
秋壑古思入寒雲坐久不能去應知勝所聞

立春日過雲居菴訪非熊茂之益公

虎林爲客日鸞嶺復春風山色一朝隔梅花兩歲同世情紛
翦絲禪思合真空應識松扉掩冷然清磬中

春日西湖臨眺

清曉正佳色春煙開幾層漸黃知柳細逾碧見湖澄此際獨
嘯鳥來時同梵僧平隄不覺盡還問有山登

白沙舊驛

三金名一
委蛇窺地脈，俛仰託山靈。土著無三戶，溪光在一庭。少時供
客憩，終日是雲扃。更有前峯路，貪幽未許停。

月下放泉

山泉久蓄聲，一決眾山鳴。松籟起相和，荷香濯更清。夜深聞
不寐，月白看尤明。爲問枕流者，何如孫子荆。

石牌菴卽事

一雨懸秋意，孤燈接夜談。道糧資茗筍，僧糲雜煙嵐。法叱山
神護，禪容石丈參。閒堂人已老，休念學瞿曇。

戊辰二日夜光堂及來江亭少憩

山堂稍僻，轉入草堂。賒梅晚枝，猶健江春色。漸華鶴糧資
拾橡，僧菜學燒畬。林籜看初改，檐前萬筍遮。

題元翰廬溪精舍

家在南山南山光映一潭夢多臨水闌足境向城諸夜月懸
高壁秋雲補舊庵主人耽佛理枯坐閉晶龕

和徐興公春日閒居

茅屋春雲鎖幾重朝昏雨度破山鐘詩無宿債輕酬客筆不
停耕可代農社日遠來滄海燕花時喧動隔林蜂杖藜閒入
階前思草碧苔青較甚濃

華林寺看梅有桃花甚開

路迴城北思淒淒寺倚屏山信杖藜疏雨不曾辟客入閒雲
元自任僧棲參差蘭若香分徑高下松根翠作梯祇惜梅花
飛欲盡不知春色在桃谿

孟秋二日遊宴半隱園

青雀舟乘香靄飛出池偏傍列城園荷間珠露移尊滿竹裏
金風入管微山氣半疑沈夜燭水紋全欲上秋衣和歌已是
知名士方外于今到者稀

贈周比部座主

秀出丰神瓊樹枝清曹無事興逶迤爲歌六代停杯起欲賦
三都載筆隨湖上日浮青玉案山邊秋映白雲司應憐身是
侯芭者得向門前獨問奇

送戚山人之內黃兼簡鄧道遊明府

三月鶯花別故山萋萋芳草照離顏春光白下無多日夜月
黃河第幾灣置驛正當賓客盛弄琴遙識使君閒閨中易作

刀頭夢珍重休過博望關

漁洋詩話律句有神韻天然不可湊泊者如高季迪
白下有山皆遶郭清明無客不思家曹能始春光白
下無多日夜月黃河第幾殘李太虛節過白露猶餘
熱秋到黃州始解涼程孟陽瓜步江空微有樹秣陵
天遠不宜秋是也

太白讀書處在西巖

萬縣對山有大棚在頂上

石鼎湖水片雲端落日輕風生碧澗祠對江山千古絕酒酣

棋局幾時殘

相傳白詩云大
醉西巖一局棋

涪陵渡去名猶在

治州有
李白渡蜀道

行來信是難一自金陵問消息無人指向萬州看

徐興公鄭汝交鄭孟廨直社平遠臺避暑分得五微韻

臺傍亭榭時盡修復

法界清涼暑氣微招尋無恙芰荷衣層層粉堞穿林出面面

三
青
山
對
雨
飛
江
海
迴
環
成
匹
練
亭
臺
錯
落
似
珠
璣
酒
酣
臥
向
仙
床
上
消
息
應
同
靜
者
機

歸下山送施靈修之武夷

已盡長城勝雪中時返棹請峯試回首一半在瑤華蒼弁人
將別烏程酒耐賒臺應過釣瀨關必度仙霞到處可爲醉此
生甯論家武夷拾彩翠羽客飯胡麻折筍松梯直虹橋鳥道
斜得予同去好其奈阻天涯

九日石倉移舟登高

雲邊澗水落淙淙攜手煙霞物外蹤欲覓秋光何處是一層
崑壑一層松

遇無窮上人因憶去年雪浪之遊

錢塘門外來尋見雪浪山中記得曾欲問春光誰負卻年年
花發對殘僧

新林浦

夾岸人家映柳條元暉遺蹟草蕭蕭曾爲一夜青山客未得
無情過板橋

池北偶談徐禪卿五集中有一絕云渺渺太湖秋水
闌扁舟搖動碧琉璃松陵不隔東南望楓落寒塘露
酒旗曹能始新林浦一絕可以相敵